

元季伏莽志

元李伏莽志卷之四

盜臣傳

陳友諒

陳友諒沔陽人

一云南昌府武寧縣人

本姓謝祖千一贅于陳遂從其姓

父普才黃蓮漁子也

友諒幼岐嶷比長膂力過人優於武藝嘗

為縣貼書不樂會徐壽輝與倪文俊兵起慨然往從之為文俊

簿書掾佐弟兄四五人皆專兵衛從文俊下諸郡縣有功尋領

兵為元帥倪相壽輝治宮室於漢陽迎壽輝居之而專其政柄

友諒心不平丁酉九月文俊謀弑壽輝事覺懼奔黃州友諒與

其黨驚而殺之并其衆自稱宣慰使尋為平章明年率兵陷安慶池州又破龍興瑞州諸郡因分遣康泰趙宗鄧克明等攻取邵武別將取吉安而自以兵破撫州八月破建昌九月破贛州己亥正月破信州三月遣將取襄陽又出兵寇衡州遂取杉關友諒疑其將趙普勝貳己殺之十二月以江州為都奉壽輝居之遂自稱漢王庚子閏五月友諒挾壽輝犯太平陷之既得太平欲儲號遂殺壽輝以采石五通廟為行殿稱皇帝國號漢改元大義仍以鄒普勝為太師張必先為丞相張定邊為太尉乙未遣羅忠顯陷辰州閏五月庚申友諒既儲號遣人約張士誠來寇建康乙丑友諒引師東下大敗于龍灣陳氏入寇明祖召

誠意伯問計誠意伯曰先斬主降議及奔鍾山者乃可破賊明
祖然其言先設伏以待兵將逼境帝以康茂才與友諒舊俾致
書速其來茂才家有老閹嘗事友諒令賫書以往友諒得書甚
喜問康公安在曰見守江東橋問橋何如曰木橋也乃遣還曰
歸語康公吾即至：則呼老康為號閹者歸具以告乃命李善
長改築江東橋又於新河口跨水築虎口城以兵守之時龍江
城：壁壘深又砌蓮花椿於溯江二里許友諒命其弟號五王
者領大船至：則不能近城乃移船于石灰山攻虎口城双刀趙
之兵攻龍灣以其將張志雄領兵先導明帝命馮國勝常遇春
率帳前五翼軍三萬人伏石灰山側徐達軍南門楊璟駐大勝

港張德勝朱虎帥舟師出龍江關外帝自總大軍于盤龍山戒持幟者曰寇至則舉赤幟舉黃幟則伏兵皆起乙丑友諒引舟師東下至大勝港環整兵禦之水路狹隘友諒舟不得並進遽引退出大江徑以舟衝江東橋見橋皆銑石連呼老康不應即與五王率舟千餘向龍灣先遣萬人登岸立柵時暑酷熱帝衣紫茸甲張蓋督兵見士卒流汗命去蓋衆欲戰帝曰天將雨且就食當乘雨擊之須臾雨大注赤幟舉帝下令拔柵諸軍競前拔柵友諒麾其軍來爭戰方合雨止命發鼓黃幟舉馮國勝常遇春伏兵起徐達兵亦至張德勝朱虎舟師並集内外夾攻友諒軍披靡不能支潰兵趨舟值潮退膠淺卒不能動殺溺死者

無算俘其卒二萬人其將張志雄梁鉉俞國興劉世衍等皆降
獲巨艦名混江龍塞斷江撞倒山江海賊者百餘艘及戰舸數
百五王僅免友諒棄別舸脫走志雄故趙普勝部將怨友諒殺
普勝故龍湧之戰無鬪志又以其船風急水湧不能開幫率眾
降及降後始言安慶無守備可取帝命徐達率廖永忠等將兵
追友諒又命俞元帥將兵取安慶廖永忠通海德勝等追至三
山磯連戰皆捷及慈湖縱火焚其舟至米石青沙復大戰僉院
黑張同知官音奴皆死之黑張即張德勝也馮國勝以五翼師
威之友諒與其將張定邊出皂旗軍號黑旋風者迎戰又敗之
友諒晝夜不得息遂收餘兵棄太平遁去俞元帥遂取安慶降

卒數萬人泝水牢繫之越日死者過半戊寅友諒寇龍江帝命
胡大海出兵搏廣信以牽制之王愷謂大海曰廣信為友諒門
戶彼傾國入寇必以重兵為守非大將統全軍以臨之不可從
之遂克信州六月乙丑友諒浮梁將于光等降于明初友諒守
浮梁院判于光左丞俞椿與饒州平同知有隙出兵攻之光等
遂遣人來降命仍守其地友諒遣叅政侯邦佐攻陷浮梁光乃
率輕騎謁帝於龍江九月戊寅素州守將歐普祥叅政劉敬遣
人款于明十二月友諒聞之使其弟友仁攻普祥普祥與部將
劉仁黃彬戰敗其眾獲友仁鞭而囚之友諒惧遣太師鄒普勝
與普祥和約各守其境乃釋友仁至正二十一年大義二年正月明

院判朱亮祖率兵擊友諒平章王溥於饒州安仁之石港不利而退五月友諒將李明道寇信州聞胡大海在浙東惧其來援遣兵據玉山之草平鎮以遏我師元帥夏德潤出兵爭之遂戰死六月明道攻信州益急守將胡德濟閉城固守大海率兵由靈溪來援德濟乃出城與明道力戰大海縱兵夾擊大破之擒明道及其宣慰王漢二弟王溥朱文忠令二人為書招王溥帝命皆仍舊職用為鄉道以取江西七月壬申友諒知院張定邊隔安慶守將俞元帥等奔還建康帝怒賜死安慶乃長江上流要地初雙刀趙普勝據守安慶明祖累發兵攻之不利後調黑先鋒領兵水陸並進舡至樅陽普勝于水中暗以鉄索橫截柁着

索不行黑先鋒及將士皆被擒陸路軍馬亦潰散友諒尋陷太平殺其主壽輝自稱皇帝恐普勝生變誘殺之別留軍馬守馬于是明祖克之命僉院趙伯中都先鋒程八守之友諒遣兵復破安慶伯中與程八遁至龍江知府譚若季亦遁中途聞寇退復回入城撫安百姓明祖命各給弓絃一條自縊死八月甲申鄧愈克浮梁初雄峯翼分院元帥王思誠克番陽之利陽鎮遂會鄧愈兵于三洞源議取浮梁攻之不下至是克之守將侯邦佐弃城走于光復攻樂平州擊敗友諒總管蕭明擒其萬戶彭壽等六十餘人八月癸卯明師取江州江州守禦甚固明將廖永忠搗城高下造橋于船尾名曰天橋以船乘風橋于城遂

克之友諒走武昌唐寅明祖親統師伐友諒先是李明道至建
康具言友諒弑主將士離心政令不一驍勇之將如趙普勝者
又忌而殺之雖有衆不足用也及安慶之敗遂決意伐之至是
率徐達等各將舟師發龍灣帝御龍驤巨艦建大旗于前署曰
弔民伐罪納順招降諸軍乘風遡流而上友諒江上斥堠望風
奔遁戊戌至安慶敵固守不戰帝以陸兵疑之敵兵動乃命廖
永忠張志雄以舟師克其水寨遂克安慶長驅小孤友諒守將
傅友德及丁普郎迎降壬寅師克安慶次湖口遇友諒舟出江
偵邏帝命遇春擊之敵舟退走乘勝追至江州友諒親率兵督
戰帝命分舟師為兩翼夾擊大破之獲其舟百餘艘友諒窮蹙

夜半挈妻子棄城走武昌癸卯帝師入江州獲馬二千餘匹糧數十萬帝遣徐達追之間友諒欲出沔陽戰艦拒戰達乃屯于漢陽之沌口以遏之甲辰遣兵取南康克之丙申蕪黃廣濟降于明戊申友諒平章吳宏以饒州降命仍其官守饒州宏仕友諒為江西行省叅政守餘干帝取江州遂全城請降壬寅帝至龍興宏率衆來見遂改鄧愈江西叅政宏代守饒州下武昌以功拜中書左丞復左遷親軍指揮宏涉獵經史奉母至孝見重於士大夫九月辛亥友諒平章建昌王溥降于明溥以弟漢二為明將所執又聞友諒失九江勢孤不能守帥孫德壽等遣萬戶羅康榮奉書來降帝命各復其官仍守建昌壬寅溥復遣檢

校劉巨川以南豐州及臨川金谿等八縣獻于明九月二十五日攻湖廣徐達令右丞薛瑄兒領士卒焚漢陽城沿江舟楫次日攻城友諒登黃鶴樓袖手觀之令閉門堅守達等未備攻具自寅至午不克悉焚城外房屋大軍遂退十月二十三日達領大軍船隻駐襄陽汴以竹編巨簍貯磚石于內填塞壩口出水高丈餘濶十丈令桑院判領快船三百餘隻哨鄂州至青灘而回大舡旋駐三江口十一月大軍復上江州大敗五王之兵殺死被擒者數萬戊子帝又命理問谷繼先討友諒興國路石榴山寨克之獲寨首嚴院使及其官屬己未帝命平章吳宏等率兵取撫州友諒將鄧克明據撫州宏率兵攻之仍遣人招克明

時鄧愈駐兵臨川之平塘苑明欲走新淦不果乃偽請降愈察其詐潛以兵夜襲破其城克明乃出降愈遣志明還新淦收其故部曲遣克明見明祖于九江中途逃歸新淦後仍伏誅十二月己亥友諒行省丞相胡廷瑞平章祝宗遣宣使鄭仁傑詣九江納款廷瑞使其子偽降請禁止若干事帝初有難色劉基自後陽所坐胡牀帝悟許之廷瑞即以城降是月帝班師以右相國徐達總大軍舡隻仍駐三江口至正二十二年大義三年正月庚申明取江西龍興諸路時江西州郡大半為友諒所據乙卯帝以胡廷瑞來降遂發九江如龍興辛酉帝至龍興胡廷瑞暨祝宗左丞張民瞻秦政廖永堅樞密同僉康泰左右司郎中潘有

慶等俱迎謁于新城門外帝慰勞之俾各仍舊官壬戌入城留
居數日癸酉守吉安土軍元帥孫本立曾萬中與其弟粹中來
降乙亥友諒平章彭時中以龍泉降本立起義兵從元守臣納
速兒守吉安萬中兄弟亦聚兵吉水友諒遣其將熊天瑞攻吉
安納速兒兵戰敗遁去萬中兄弟等于是來降三月癸亥祝宗
康泰叛攻陷洪都府四月甲午徐達等率師復之祝宗走新淦
依郊志明誅之丞其首來獻康泰走廣信追兵獲送建康帝
以其為胡廷瑞之甥宥之癸酉熊天瑞寇吉安守將孫本立戰
敗走永新天瑞復攻破永新執本立至贛州殺之友諒使其知
院饒鼎臣守吉安後被明元帥王國寶出追擊死之五月友諒

復侵安慶明守將院判趙伯中遁九月達領兵復安慶友諒夜遁達乃脩城塹命將士守之十二月朱文正遣裨將率兵攻吉安饒鼎臣出走遂以泰政劉齊陳海同李明道曾萬中兄弟共守是歲明將康茂才蔡遷等破友諒八陣指揮取瑞昌至正二十三年大義四年四月壬戌友諒復大舉兵圍洪都友諒忿其疆土日蹙乃作大艦來攻艦名高梢子船高數丈外飾以丹漆上下三級：置走馬棚下設板房為蔽置艚數十其中上下人語不相聞艚箱皆裹以鉄載其家屬百官空國而來洪都城始瞰大江帝既定洪都命移城去江三十步友諒巨艦至不得近乃以兵圍城其氣甚盛都督朱文公與諸將分城拒守丙寅友諒攻

洪都之撫順門其兵各戴竹盾如箕狀以禦矢石極力來攻壞城三十餘丈鄧愈以火銃擊退其兵隨豎木柵敵爭柵文正督諸將死戰且戰且築通夕城完友諒又親率六十萬兵圍南昌用雲梯等攻具百道進擊文正于城上發砲石擣木火箭無不破之五月己巳朔友諒知院蔣必勝饒鼎昌等復陷安吉李明道與萬中兄弟不協明道曰潛約必勝兵至城下舉火為號開西門納之陳海萬中皆被殺執秦政劉齊知府朱叔華独粹中亡走經寧家黃如淵里中如淵執送鼎臣處斬之如淵本萬中部曲怨萬中兄弟虐其家故叛投鼎臣焉必勝脅降齊等齊等不屈必勝又破臨江執同知趙天麟天麟亦不屈俱送友諒友

諒以三人徇洪都城下仍以明道鼎臣守吉安癸酉友諒兵隔
無為州知州黃曾死之丙子友諒復攻洪都之新城門薛顯將
銳卒開門突戰斬其平章劉震昭擒其副樞趙祥敵兵乃退六
月辛亥友諒圍洪都久不克增修攻具攻水關欲破柵以入文
正使壯士以長槊從柵內刺之敵棄槊更進文正乃命煅鉄戟
鉄鈎穿柵更刺敵復來奪手皆灼爛不得進友諒又攻官步士
步二門元帥趙德勝力禦之中流矢死洪都被圍既久內外阻
絕乃遣千戶張子明告急于建康還至湖口為友諒所獲偽許
誘降至城下大呼令固守友諒怒殺之七月癸酉帝自將救洪
都時徐達常遇春等亦自廬州還是日會師禡纛龍江舟師凡

二十萬俱發癸未師次湖口丙戌友諒圍洪都至是八十有五
日聞帝至即解圍東出鄱陽湖以迎我師帝率諸軍由松門入
鄱陽丁亥遇于康郎山戊子帝分舟師為十二屯命達遇春永
忠突入虜陣呼聲動天地矢鋒雨集砲礮雷鉤波濤起立飛火
照耀百里之內水色盡赤焚溺死者動二三萬流屍如蟻彌望
無際是日帝坐胡床督戰劉基侍忽躍起大呼趣帝更舟帝倉
遽徙別舸坐未定飛礮擊舊所御舟立碎友諒乘高見之大喜
而帝舟更進己丑焚偽辛卯復酣戰虜將張定邊素號梟猛帝
親禦之將士皆死戰歷一二時遇春等左右夾擊殺士卒無算
定邊中矢百餘率眾兵退潛保鞋山不敢吐氣明師亦移據湖

口扼彼喉襟列柵南北江岸置火筏中流水陸戒嚴以候其發
戊子帝命達等進兵薄戰達擊敗其前軍獲一巨舟而還俞通
海乘風發火砲焚寇舟二十餘艘指揮韓成元帥宋貴李兆先
等俱戰死定邊奮前欲犯帝舟遇春從旁射之定邊舟始却通
海來援舟驟進水湧永忠隨以飛舸追定邊定邊走身被百餘
矢是日命徐達還守建康己丑旦帝親布陣與友諒戰敵兵舟
艦相連至曉東北風起帝命以七舟載荻葦貯火藥束草為人
飾以甲冑命敢死士操之乘風縱火須臾抵敵舟水寨焚數百
艘烟燄漲天湖水盡赤友諒之弟友仁即五王與友貴及平章
陳普畧等皆焚死時帝所乘舟白友諒亦夜合諸舡盡白其檣併

力來攻旦視莫能辨辛卯復聯舟大戰俞通海廖永忠張興祖
趙庸等以六舟深入敵連大艦拒戰明師望六舟無所見謂已
陷沒有頃六舟旋繞敵船而出將士見之勇氣百倍合戰自辰
至午敵兵大敗旗鼓器仗浮蔽湖面定邊欲挾友諒退保鞋山
為明師所扼不得出乃飲舟自守不敢復戰是日移舟泊柴柵
明日泊左蠡友諒二金吾將軍率所部來降亦移舟出泊渚磯
相持者三日先是友諒數戰不利右金吾將軍欲焚舟登陸直
趨湖南謀再舉左金吾將軍請決戰友諒兵敗乃曰右金吾之
言是也左金吾懼及禍遂降于明右金吾亦從之友諒兵益衰
帝移書告之曰曩者公犯池州吾不以為嫌生還俘虜將與公

為約從之舉各保一方以俟天命公失此計乃先與我為仇我
是以破公江州蹂躪黃漢沔之地同舉龍興十一郡奄為我有
今又不悔復起兵端困于洪都敗于康山殺其弟姪殘其兵將
此逆天理悖人心之所致也公棄尾大不掉之舟頓兵敵甲與
吾相持以公之狂暴正當親決一戰何徐：隨後若聽吾之指
揮者毋乃非丈夫乎友諒怒留使者不遣建金字旗周圍巡寨
令曰獲放將士皆殺之帝命悉出所俘視有傷者賜藥遣還又
令祭其弟姪及將士之戰死者明師出湖口命遇春永忠諸將
統舟橫截湖面邀其歸路又令一軍立柵于岬控湖口者旬有
五日友諒不敢出再移書與之曰昨共泊渚磯嘗遣使齎記事

往不覩使回公度量何淺：哉大丈夫謀天下何有深讎江淮
英雄惟存吾與公耳何乃自相吞併公之土地吾已得之縱力
驅殘兵來死城下不可再得也設使公僥倖逃還亦宜脩德勿
作欺人之寇却帝名而待真主不然喪家滅姓悔之晚矣友諒
忿恚不能荅帝遣裨將攻蘄州及興國克之八月明兵與偽漢
兵大戰于鄱陽湖友諒敗績虜食盡遣舟而死初徐達領大軍
攻廬州老左堅守不克圍至七月友諒親率大舡進鄱陽湖來
侵徐達棄圍援之帝親領舟師往征衣甲鎧仗旗幟火炮火銃
火箭火蒺藜大小火鎗大小將軍筒大小鉄炮神機箭及以蘆
葦作圍圓五尺長七尺糊以紙布絲麻纏之內貯火藥捻子及

諸火器名沒奈何用竿挑于頭桅之上而舡相幫燃火線刀斫
懸索沒奈何落于敵舡舟中火器俱發焚毀無敵帝勅相國徐
達平章常遇春為前鋒平章廖永忠俞通海為左右翼餘舡列
幫而進且戒將士曰晝則視旗幟夜則視燈籠遠則聆信砲近
則聽金鼓以翱翔二船為左右副以風斗快船為前導大小船
隻相繼而進兵至左蠡旌旗蔽日金鼓震天帆慢遮水衣甲耀
日還列數百里友諒後繼之舡盡為俘獲江西守將朱文正薛
鄧二泰政率軍力戰友諒將士不能近城聞帝援兵至棄圍赴
戰友諒舡塗紅為號大者容三千人中者容二千五百人小者
容二千人其船以灰麻牕底觸與兩廂頭尾不牕或謂友諒曰

何止船底友諒曰此一去舡何須盡艚以故友諒戰船皆不及
建康戰舡之堅緻建康船以白塗舡取水尅火之義也陳氏兵
卒自經龍江：州湖廣三處大敗善戰者折損無多却于湖潭
荆襄等處徵田夫市子三丁抽一為軍號曰蓬合且十人無一
二慣戰及舡列幫望見白船水上周旋迅疾旗幟帆幔衣甲器
械無不整齊又聞金鼓銃砲不絕聲鬼胆俱喪友諒自恃巨艦
未知軍心恒怯白船往來湖中仰射紅船紅船牢駐不能轉動
一日攻數次白船輪次而戰紅船軍接戰不得休息七月二十
一日大戰紅船焚溺二十隻煙燄蔽天咫尺不能辨聲震山谷
屍浮水面波浪漂沒白船亦被火裹焚者七隻紅船將士焚溺

者殆六萬人白船焚溺七千餘人餘船相幫紅船被白船撞擊
即時破碎五王元將士浮水求救者蔽水面帝遣快船濟之次日帝以
太牢少牢遣使祭五王之柩于軍中友諒亦以禮遣歸又數日
帝遣人賫書詣友諒約出江決戰友諒見紅船欲出湖口恐白
船襲其後遂讓白船先出明帝令江西之船堅拒黃泥州及樵
市諭將士曰我船出湖口便占上流埤岸選精銳馬步兵登岸
待戰風斗快船艤岸排列海舡依次排江中次日遂行白船盡
出紅船方行白舡正出之時紅船不敢追襲者以大舡泊淺小
船兵冗紅船到湖口埤埤俱被白船先占值西風大作紅船之
勢高巨順流如箭而下無所措手流至金江口拋五鉄錨始住

兩軍相望二十餘里帝謂都督仇景福曰乘紅船者誰景福對
曰皆陳氏所乘帝曰我提百萬兵數十里遠來除暴荷天以此
子付我掌中此機不可失諭達等曰平暴定亂正在今日遂令
將士各措火器兵仗衣甲於所立信地二十四日帝于所乘每
號船頭勅曰將士勿動乃捧香爐拜祝曰黎民被難數十年我
今除暴解紛實天祐之克此奸雄四方寧息汝等士卒俱令富
貴今當盡心以報天意即拔劍勅曰交鋒之際擅離信地不用
心者斬遂令釘其水門平基徹其上下木梯拽搗兩廂懸鈴兵
皆倒身搖櫓又值西風順水船下如箭比至紅船三百步間箭
銃將軍筒標叉俱發如雨紅舡將士無所躲避僅以板牌遮身

或伏匿或超走無出視者白船徑過矣帝命親軍指揮康茂才率二十八宿舍船水棒挽舡而上十五里許順流再下紅船將士望之如山崩友諒度不能支出看箭窻中呼從紅船而白船已至箭銳齊發友諒左太陽中箭而死須臾陳氏卒泗水報曰友諒死矣帝隨傳令曰友諒已中箭死兵船將士敢有擅殺一人者斬陳氏將士聞之全船來歸者相繼不絕友諒屍已為近侍竊載遁歸湖廣矣部下省院官及八陣指揮率領海船再戰俱不勝而降輻重盡為俘獲惟知院蟒張不戰而遁友諒所謂一去船者驗矣所獲戰船上下左右箭刺如蝟帝大悅諭衆曰友諒之死將士之功勝于赤壁走曹操遠矣稠人難辨射中者

均給重賞以勞汝等次日帝執爐焚香額天而祝曰異日天下
一家與汝等也都兒共享富貴教汝等都做大官拜畢於樓船
上設金椅坐定保駕都督仇景福率八枝壯士一千三百人稱
萬歲謝恩遂設大筵即命班師後至王宮以在舡一千三百人
羅于兩廡下賜以酒肉恣其醉飽明日每人給以金龍宮緞一
表裏冬夏布五疋銀五兩麥五石錢六十文省府衛及千百戶
鎮撫等官給賜各有差友諒自稱帝至死凡四年死時年四十
有四友諒既死子理逃回武昌而自立

附陳理

陳理友諒子友諒兵敗身死太尉張定邊扶理逃回武昌自立

為帝改元德壽八月甲子明兵追理于武昌九月壬午明命李
善長鄧愈留守建康帝復率諸將親征之冬十月壬寅至武昌
十二月丙申自武昌還建康帝率馬步舟師水陸並進命遇春
等分兵立柵圍之又于江中聯舟為長寨以絕其出入之路分
兵徇漢陽德安諸郡十二月丙申帝還建康命遇春總督諸將
守營柵諭之曰彼猶孤處牢中若來衝突慎勿與戰久當自
下也是年十月湖廣偽平章姚知院張陰遣人言于擴廓帖木
兒設計擒殺偽漢主陳理及偽蜀主明玉珍不果至正二十四
年德壽元年二月乙未朔帝以諸將圍武昌久不下復親往視師先
是張定邊潛遣卒夜由觀音閣縋城走岳州告其丞相張必先

使入援必先進軍洪山旋為遇春所擒遇春俘岳州軍一千餘人每四人用麻編頭髮木椿釘于鸚鵡洲上是夜雨雪迢曉死者過半宥必先而縛至城下示之必先呼定邊曰吾已至此矣兄宜自圖定邊氣索不能言武昌城東南有高冠山下瞰城下傅友德一鼓奪之城中益喪氣後數日帝復遣友諒舊臣羅復仁入城諭降復仁至城下號哭理招之入復相持痛哭乃諭以上意理與定邊等遂請降癸丑理叩壁肉袒率其太尉張定邊出降至軍門俯伏戰慄不敢仰視帝見其幼弱起挈其手曰吾不爾罪勿懼也命宦者入其宮傳令慰諭友諒父母凡府庫儲蓄令理悉自取之遣其文武官僚以次出城妻子資裝皆俾自

隨友諒兄友才所謂二王也聞左丞王忠信戰敗來降帝即授

之泰政仍守潭州于是與其子陳大俱送建康帝以陳理祖父

及所生母并伯叔后妃嬪官載赴應天府命右丞周德興守其

城帝至建康丙寅封理為歸德侯其餘各封有差下令諭告中外曰予以渺躬

荷天地百神之福托于億兆臣民之上戡定經寧疆宇日闢乃

者故漢主陳友諒殺君僭逆罪惡貫盈日起兵端犯我邊境爰

舉問罪之師以慰來蘇之望賴上天之靈兵之所至罔不克捷

西江諸郡一鼓而下其陳友諒稔惡弗悛仍合餘燼于癸卯七

月屯兵洪都城下予乃提率舟師親與決戰友諒敗死將士悉

降進攻武昌子理歸命布告中外咸使聞知洪武五年二月理

與歸義侯明昇居常鬱鬱，怨望帝聞之曰：此童兒輩言語小過，但恐為小人蠱惑，不能全始終宜處之遠方，則憂隙無自生可。始終保全矣。于是徙之高麗，遣故元樞密使延安答理護送而往，仍賜高麗國王紗羅文綺四十疋，俾善待之。

論曰：陳友諒，元季之梟雄也。彼其獷悍之性，兵食俱足，所向無前，鄱陽一戰，有天幸焉。有天命者，不可以力爭項籍且然，況友諒哉？此論宜寓在陳善後

逆黨傳

陳普才

普才，友諒父也。友諒初亂，其父甚恐，曰：汝一捕魚兒，欲圖大事。

吾不願何不守此故業友諒曰昔有術者視先世葬地謂我後當富貴今正其時及稍貴遣人迎其父：曰汝不聽吾言而起事至此吾懼不免後果敗明帝封普才為承恩侯既而徙之滁

陳友才

友才友諒第二弟所謂二王也友諒命與左丞王忠信守潭州友才聞武昌圍急遣忠信來援戰敗而降明帝授忠信叅政仍守潭州友才聞其降而復來率兵拒于益陽之高山忠信巽詞開諭之于是友才亦降與其子大俱送建康

陳友富 陳友直

二人皆友諒弟明帝封富為歸仁伯直為懷恩伯

陳友仁

友仁友諒第五弟所謂五王也眇一目有智數梟勇善戰龍灣之役五王領大船侵應天府龍江城下城堅塹深瀕江二里釘蓮花椿以拒艦五王船不能近城移海船于石灰山攻虎口城既而與明兵接戰友仁僅以身免歐普祥降于明友諒遣其弟友仁攻之為普祥所獲友諒遣鄒普勝與普祥和約各守疆界普祥乃釋友仁歸後鄱陽湖之戰領舟師前導遭焚溺死明祖遣人以太牢少牢祀之偽漢既滅帝封友仁為康山王有司塑像歲時致祭

陳友貴

友貴亦友諒弟鄱陽湖之戰與友仁俱溺死

陳友諒姬

友諒次姬某氏明祖納以為妃

陳善

陳善友諒長子所立為太子也鄱陽兵敗為明師所擒後亦不

知所終此下宜寫論。以上陳氏俱在附例

逆黨傳

張必先

必先陳友諒相尋為友諒守岳州明師圍武昌急張定邊遣人
縋城出告必先使入援必先去城二十里軍于洪山明帝命常

遇春率精銳五千乘其衆未集擊之擒必先必先驍勇善戰即所謂潑張是也既就擒械至城下時城中方恃必先援兵為重至是必先呼定邊曰吾已至此矣兄宜自圖定邊氣索不能言必先歸附後授官行省叅政洪武三年鄧愈克河州班師至渭原必先心懷叵測明帝遣人授密旨于鄧軍中即時斬之

張定邊

定邊仕友諒為偽太尉國人呼之為蟒張至正二十年閏五月乙丑友諒兵敗龍灣明帝命諸將追友諒張德勝追及于慈湖至采石復大戰德勝死馮國勝以五翼威之友諒命定邊出皂旗軍號黑旋風者迎戰又敗之既而友諒以定邊知樞密院至

正二十一年七月壬申定邊領兵攻臨安度後康郎山之敗定
邊知事不能支率海船不戰而遁迨友諒既中箭死定邊與陳
理奔回武昌明師圍武昌理與定邊遂出降

胡總管

胡為友諒守青山砦明將張德勝俞通海擊走之追敗之于青
山

郭泰

泰友諒將守潛山張德勝俞通海既敗胡總管于青山旋至潛
山泰以師逆戰死于沙河

張志雄

志雄為友諒僞將故趙普勝部曲也軍中呼為長張龍灣之役
友諒命將雙刀兵為先導志雄怨友諒殺普勝故龍灣之役無
闕志是日志雄所領海船風急水湧不能開幫遂率眾來歸及
降明始言安慶無守禦可取明祖遣徐達追友諒而今俞通海
取安慶既而張瑄復陷安慶至正辛丑八月明帝自率師伐
友諒戊戌至安慶敵固守不戰帝以陸兵疑之敵兵動乃命志
雄偕廖永忠以舟師先克其水寨遂克安慶後康郎山之戰舟
檣折敵兵攢刺之知不能脫遂自刎

羅忠顯

忠顯友諒將至正二十年遣之攻臨辰州

康泰

秦胡廷瑞甥仕友諒為樞密院同僉偕廷瑞守龍興至正二十
二年以廷瑞命與祝宗等俱納款于明：年三月與宗俱叛攻
陷洪都旋為徐達所破敗走廣信追兵獲送建康帝以廷瑞故
特宥之

鄧克明 弟志明附

克明新淦人自少無賴恣橫鄉里紅巾寇陷臨江克明與弟志
明亦聚眾而起依賊帥陳普文據縣之修德欽風太平王筭四
鄉遂陷撫之安樂崇仁宜黃等縣自稱元帥陳友諒發兵掠新
淦克明率眾歸之友諒以克明為右丞志明知州事克明復肆

掠永豐寧都石城汀州寧化等縣攻破邵武府臨建昌破杉關
掠光澤以攻建寧不克克明兄弟凶暴殘忍御下無紀律所逆
荼毒人以邵賊呼之既而還兵據撫州至正二十二年十一月
己未遣平章吳宏率兵取撫州宏遣人招之邵愈駐兵臨川之
平塘克明欲走新淦不果乃偽請降愈察其詐潛以兵夜襲破
其城克明乃出降愈遣志明還新淦收其故部曲遣克明見帝
于九江中途逃歸新淦仍肆劫掠壬寅正月帝至龍興克明懼
不自安乃詐為商賈乘小船至龍興城下潛使人謁伺可否為
去就事覺被執并獲克明囚送建康是歲大都督朱文正遣志
明從征贛州志明乃據麻嶺沙坑牛陂為寨拒命不行甲辰八

月常遇春鄧愈平之執志明送建康與志克明俱伏誅

吳宏 宣入降身

吳宏餘十州人仕友諒為江西行省叅政守餘干明師取江州
遂全城請降士寅明帝至龍興宏率眾來見遂改鄧愈江西叅
政宏代守饒州至正二十一年十一月己未偕愈率兵取撫州既而下武昌以
功拜中書左丞復左遷親軍指揮使宏涉獵經史事母至孝見
重於士大夫

王溥弟漢二附

王溥安仁人仕友諒為偽平章初友諒弒徐壽輝以溥為宣慰
元帥既乃陞擢平章至正二十一年正月溥時為友諒守饒州

明將朱亮祖率兵擊溥于饒州安仁之石港不利而退既而守
建昌弟漢二與明將胡大海戰敗被執又聞友諒失九江勢孤
不能守遂降於明：帝命復其官仍守建昌壬戌溥復以南豐
州及臨川金谿等八縣來獻從征武昌陞資善大夫中書右丞
洪武元年兼副參事從大將軍平山東河南燕冀陝西賜文幣
七表裏三年論功行賞陞河南行省平章食祿不視事子孫世
襲指揮同知歲祿七百五十石當溥未仕時奉其母避兵貴溪
後遇亂與母相失凡十八年溥嘗夢母若告以所在者筮之占
曰非巖非穴厥得朽骨及是從容言于帝賜請歸省墳墓許之
且命禮官具祭物溥歸率士卒之貴溪桃源山中求不得晝夜

號泣者三日居人吳海言夫人為賊逼投井中潛求得有井有
蛙自井出投溥懷中旋復入井遂汲井索之母屍果在哀呼不
自勝乃具棺歛即其地葬之溥之降明也回漢二被執後朱文
忠令與李明道為書招之來即用為鄉導以取江西

孫德壽 羅康榮 劉巨川

三人皆吳宏僚佐德壽守將康榮萬戶宏之降明遣此二人巨
川則檢校也南曹八縣之獻實使巨川云

李明道

明道豐城人家富於貲秉亂起兵附徐壽輝後為友諒偽將胡
正二十五年五月太海既克信州復往浙東明道寇信州時胡大海在浙東明道

懼其來援遣兵據玉山之草平鎮以遏之明元帥夏德潤出兵
交戰遂死六月明道攻信州益急守將胡德濟閉城固守大海
率兵由靈溪來援德濟乃出城與明道力戰大海縱兵夾擊大
破之遂降于明至建康具言友諒弑主將士離心政令不一驍
勇之將如趙普勝者又忌而殺之雖有衆不足恃也帝于是決
意西征遂克安慶進取江州明道之初降明也為書招王溥帝
命為行省叅政與曾萬中等守吉安後復叛仍附友諒友諒亡
走歸豐城剪其須髻逃匿武寧山中有茶客識之轉送武昌帝
面數其反覆之罪戮于鮎魚口沙上明道有畜犬為犬軍携至
武昌見明道被戮嗥鳴不已所聚其肉跑沙瘞之帝義此犬明
道

于光都昌人從徐壽輝起兵為宣慰元帥後為友諒守浮梁饒
州辛同知與光有隙出兵攻之光遂與右丞俞椿進來降帝命仍
守其地授樞密院判友諒復攻陷浮梁光乃輕騎歸于明次年
至正二十一年八月友諒浮梁守將侯邦佐棄城走于光復攻
樂平州斬敗友諒總管蕭明擒其萬戶彭壽等六十餘人遂克
樂平

俞椿

椿仕友諒為左丞與于光同守浮梁光降明椿亦歸附

侯邦佐

邦佐仕友諒為參政于光降明友諒遣邦佐率兵復攻陷浮梁

後被明將鄧愈會雄奉翼分院元帥王思誠于二源洞議取浮梁克之邦佐棄城遁

劉敬

敬仕友諒為叅政偕歐普祥守素州至正二十年九月與普祥同降明

劉仁 黃彬

二人皆歐普祥部將友諒既殺徐壽輝彬言于普祥曰公與友諒比肩奈何下之友諒驕恣非江東敵也普祥遂遣使納款于明友諒之弟友仁來攻素州兵敗為劉仁所執鞭而囚之友諒惧乃與普祥結好而友仁得釋明帝至龍興今普祥仍守素州

而以彬為江西行省參政後積軍功進江淮行省左丞洪武之
年封彬為宜春侯二十三年坐胡黨死

嚴院使

院使友諒興國路石榴山寨之首也明帝命理問谷繼先討之
獲院使及其官屬

胡廷瑞

廷瑞避明祖字易廷美初為友諒行省丞相守洪都遣部將鄭
仁傑詣軍門納款且請禁止數事勿散離其部曲帝初有難色
劉基自後陽所坐胡牀帝悟乃許之賜書慰諭畧曰鄭仁傑至
言足下有效順之機此足下之明達也又恐分散所部屬此足

下之過慮也吾起兵十年奇才英士得之四方其有能審天時
料事机挺然委身而來者蓋其意亦欲立功當世垂名後裔大
丈夫相遇磊落一笑契合洞見肺腑故嘗推赤心以待之
隨其才而任使兵少則益之以兵位卑則隆之以爵財乏則厚
之以賞此吾待將士之心也安肯散其部屬負人來歸之心哉
陳氏諸將如趙普勝驍勇善戰以疑見僂猜忌若此事竟何成
近有龍江之役長張梁鉉彭指揮諸人來降視吾諸將恩均義
一無有所問及長張破安慶梁鉉等江北功績並著此數人者
其自視無復生理而待之如此况足下不勞一卒以完城來歸
者即得失之机間不容髮其早為之計廷瑞本偽降及得書遂

遣祝宗康泰詣九江結款至正二十三年正月乙卯帝以廷瑞
來降乃發九江如龍興辛酉至龍興廷瑞率其僚佐迎謁新城
門外帝慰勞之既入城帝登堂拜其母以示寵焉後廷瑞從征
武昌還又伐東吳著勞績加榮祿大夫命為征南將軍取福建
即留守之尋命為中書平章同知詹事院洪武三年封豫章侯
長女為貴妃嘗與其子壻私入宮禁皆坐法死

祝宗

祝宗友諒偽平章也與胡廷瑞同降明帝命以所部從徐達攻
武昌宗本不欲降明既有從征之命遂反舟次女兒港還趨城
夜破新城門而入明將鄧愈出追易三馬始得脫走新淦依鄧

志明志明函其首來獻

孫本立 曾萬中 曾粹中

本立廬陵人少無賴不事產業紅巾亂起義兵從元守臣納速兒守吉安萬中兄弟亦聚兵吉水陳友諒遣其將熊天瑞攻吉安納速兒戰敗遁去萬中兄弟與本立遂降天瑞乃併其軍使其壻徐指揮吳員外馬斷事等與本立萬中同守吉安本立居徐下心常不悅明帝至龍興本立詐與徐謀請假犒師名往覘兵勢徐從之遂與萬中兄弟見帝納款帝以本立為江西行省叅政授以銀印萬中為都元帥粹中為行軍指揮俾還守吉安二月己丑本立等還吉安秘其納款事徐指揮稍覺謀邀本立

等飲就國之徐有愛得泄其語于官妓以告本立本立乃邀
徐吳馬三人至其家與其屬皆登樓劇飲醉而潛去其梯本立
手刃殺之遂遣人來報上其軍民錢穀之數三月癸熊天瑞寇吉
安守將孫本立戰敗走永新天瑞攻破永新追至贛州執而殺
之友諒使其知院饒鼎臣守吉安十二月明朱文正遣裨將率
兵攻吉安饒鼎臣出走遂以萬中粹中同李明道與叅政劉齊
陳海同守吉安既而萬中兄弟與明道不相能明道潛約友諒
知院蔣必勝兵至城下明道舉火為號開西門納之萬中與陳
海俱被殺粹中亡走經其壘家黃如洲里中如洲本萬中部曲
怨萬中兄弟虐其家叛投鼎臣執粹中送鼎臣殺之

彭時中

時中仕友諒為偽平章為友諒守龍泉至正二十二年正月癸酉吉安既附於明乙亥時中以龍泉降納還友諒所授銀印帝命復其職別以行省印授之友諒亡時中與熊天瑞爭萬安地相攻不已

熊天瑞 子元震附

天瑞湖廣荊州人樂工也乘亂聚兵從徐壽輝攻掠江湖間後以友諒命攻臨安吉安又攻贛州凡四越月下其城友諒命加叅政守贛州兼統吉安南安韶州諸郡孫本立遣姪士安攻贛之興國縣天瑞遣子元震敗之殺本立復據吉安遣其第三

子叔掠山寨獲貨財牛馬而歸乃造戰船揚言欲領兵東下署其幟曰無敵自稱金紫光祿大夫司徒平章軍國重事兼侍衛親軍都指揮使歲癸卯友諒攻江西檄天瑞以兵來援天瑞坐觀成敗不應命及友諒敗死乃佯遣其子元震赴援已而與彭時中爭萬安地以兵相攻又欲圖取廣東于南雄造戰船遣元震攻掠程鄉興寧長樂山寨遂陷韶州命部將元任重守之士辰春戰艦成率兵數萬進攻廣州何真以兵送于胥江一鼓而破意廣東可不戰而下忽天晝晦大雨如注雷震其檣舟不能進天瑞仰天祝曰廣州非予所有則天為霖明當即日還師祝已天果霽乃歸賴未幾以兵攻桂陽湖南山寨皆俘獲之以歸

明師克臨江天瑞始懼遣元震築壘太壺頭為備禦計九月五
明師至賴天瑞閉城拒守常遇春郤愈乃浚濠立柵以困之十
月元震竄出覘兵勢遇春亦從數騎出猝與相遇元震不知其
為遇春也過之及遇春還元震始覺來襲遇春遇春遣壯士揮
雙刀擊之元震奮鉄撻以拒且鬪且却遇春曰壯男子也舍之
乙巳正月天瑞援絕糧盡遣元震出降天瑞亦肉袒詣軍門遇
春送之建康元震本姓田氏為天瑞養子遇春喜其才勇荐之
授指揮後復姓田氏天瑞後又降張士誠士誠敗亡伏誅于建
康別立傳系士誠下

饒鼎臣

鼎臣仕友諒為同知樞密院樞密有胆略所至盡害人呼為饒
大胆至正二十二年熊天瑞執殺孫本立友諒使鼎臣守吉安
十二月明朱文正遣裨將率兵攻吉安鼎臣出走二十三年五
月吉安守將不協潛約知院蔣必勝率兵至城下遂復陷吉安
黃如淵叛投鼎臣執曾粹中送鼎臣殺之友諒既滅鼎臣自據
吉安甲辰八月常遇春鄧愈兵攻吉安遇春遣人謂之曰吾今
往取爾可出城一言而去鼎臣不敢出遣其幼子出見遇春命
坐而飲之又贈以衣服遣歸曰歸語而父將欲何為吾往矣不
能為爾留可善自為計鼎臣即夜棄城走安福遇春遂復吉安
鼎臣既走與其黨劉顥等仍肆剽掠鄧愈自贛還兵討之久不

下乙巳六月帝復命元帥王國寶會叅政何文輝黃彬來攻鼎
臣又走茶陵合浦陽群盜于南峯山寨與友諒將劉平章寇掠
益甚十一月國寶出追擊鼎臣中弩死餘黨潰散賴地以寧

蔣必勝

必勝仕友諒為同知樞密院李明道復欲叛明曾約必勝潛師
取吉安又破臨江執同知趙天麟

劉震昭 趙祥

震昭仕友諒為平章祥仕友諒為副樞至正二十三年五月丙
子友諒復攻洪都之新城門明將薛顯將銳卒突圍出戰斬震
昭擒祥以歸

張民瞻 廖永堅 潘有慶

民瞻仕友諒為左丞永堅仕友諒為秦政有慶左右司郎中三人皆廷瑞僚佐也廷瑞降明三人與祝宗康秦同迎謁帝于龍興帝皆慰勞之

蕭明 彭壽

明仕友諒為總管彭壽萬戶于光攻樂平擒壽等六十餘人遂克之

姚天祥 陳榮 魯某 李才小舍命 王副樞 賈

僉院

天祥友諒平章鄒陽兵敗與太子善同被擒榮亦平章魯秦政

李樞密使及王賈皆以鄱陽兵敗率樓船軍馬降明

楊丞相 韓副樞

二人與張定邊同以舟竊載友諒屍還武昌後不知所終

陳普畧

普畧友諒平章國人所謂新開陳也康郎山之戰與陳友貴兄弟並焚溺死

姚平章 張知院

二人通信于王保：謀殺其主理以獻者而不果者

羅復仁

復仁吉水人少嗜學尤通天文書友諒辟為翰林院編修竊窺

友諒非帝王器遁去迨明帝取九江復仁來謁即留置左右鄱陽之役友諒既死復仁齎蠟書諭降江西未下諸郡授中書諮議從圍武昌帝欲招陳理降以復仁故友諒臣遣入城諭理且曰理若來不失富貴復仁頓首曰如陳氏遺孤得保首領臣不食言於異日臣死不憾帝曰汝行吾不汝誤也復仁至城下號慟者竟日理驚絕使入見持理哭止問故乃以帝意告之理心動曰語理曰天兵所向摧拉枯朽不降且屠城中民何罪乎理善其言率官屬出降帝以復仁年老特賜小車出入每宴見賜坐食飲已復使擴廓前使多拘留復仁議論慷慨獨還摺編修又使安南令歸還占城侵地所贈遺一無所受帝重之以

為宏文館學士與劉基同位在帝前率意陳得失嘗探南音帝
喜其賢直呼為老實羅而不名間幸其舍負郊窮巷復仁方壘
壁急呼其妻抱枕以坐帝曰賢士豈宜居此遂賜第城中天
壽製水龍吟一闕以獻帝悅厚賜之尋乞致仕陞辭賜大布衣
題詩衣襟上褒美焉既而又召至京師奏減江西秋糧及兵餉
留三月賜玉帶鉄拄杖裘馬食具遣還鄉以壽終

王忠信

忠信友諒左丞與友才同守潭州武昌圍急忠信自潭來援戰
敗而降明帝授以叅政仍守潭州友才拒命忠信巽詞開諭並
納款

吳徹

吳徹江西崇仁人字文通雅善吟咏為陳友諒所得置諸親密
屢欲官之辭曰願就賓師之位友諒呼以先生及明祖討友諒
友諒遣之問行以覘明師虛實有縛以獻者帝素聞其名令題
天閑百馬圖徹援筆立就云問渠何日渡江來百騎如雲盡鼓
催九十九中皆汗血當頭一箇是龍媒徹雖為友諒所遣及瞻
天表知天命有歸故為是言明祖度其不為用欲問跡其君臣
乃刺詭譎秀才四字于徹面遣還友諒果惡之曰安有如此形
容而可為我賓師者乎徹遂棹舟而遁後友諒死子理奔武昌
明祖忿其城不下將屠之軍門外有自稱詭譎秀才求見召入

語良久復命題西山夜雨徹進詩曰美厥西山夜雨多也應添
起洞庭波東風肯與周郎便直上金陵奏凱歌帝會其意即下
令還建康蓋吳人將乘虛入寇至是其謀乃寢

李仁
姜碩

仁唐縣

碩樂安人為陳友諒招討使明師克武昌仁來歸以常遇春荐

代陶安知黃州府事由給事中擢侍郎陳脩卒仁進尚書謫知
青州政竄擢戶部侍郎尋致仕

論曰

雜傳志

義犬

友諒將李明道既降復叛帝殺之有畜犬亦為軍人携至武昌犬見明道被僇嗥叫不已啣聚其肉跑沙塵之帝義此犬命具衣食葬明道

宰相街

王溥以建昌降率將士赴京居住自備軍食不支官糧帝令溥于聚寶門外南街住置立牌樓號其街曰宰相街以寵之後溥為他事仍毀之

斷尾石獅

至正十九年明帝遣帳下衛士何必聚往探江西素州守將歐平章年已老其動靜傾知之帝問必聚曰汝到素州有何為記答曰歐平章案頭有二石獅吾斷其尾尖以報已而克素州果

鐵冠道人

康郎山之戰鐵冠道人從時常忠武率舟師深入虜舟數四圍之金以為不可救道人曰勿憂也亥時當自出已而果然

天命

友諒解南昌圍退出康山與明祖決勝負帝頗懼問劉基氣色如何基曰我兵必勝氣色當力戰既而友諒中流矢死帝謂基

曰我不當有安豐之行使友諒棄我之出京城空虛順流而下
搖尾建康我進無所成退無所歸今友諒不攻建昌而圍南昌
此計之下者不亡何待乃知天命有所歸也

知聖笑

明祖克武昌還句容儒士戎簡入見語及伐陳事簡曰向敗陳
氏于九江何不乘勝直抵武昌而乃引還今雖克之用力多矣
明祖曰汝儒者豈不聞覆巢之下無完卵乎苟當陳氏兵敗我
豈不知乘勝蹶之兵法曰窮寇勿追若乘勝急追彼必死鬪殺
傷實多我故縱之遣偏師綴其後恐其奔逸料彼殘破之餘人
各偷生喘息不暇豈敢復戰我以大軍臨之全城降服一者士

卒不傷一者生靈獲全所得不已多乎簡大悅服高岱論太祖所以得志力于友諒者以士誠之遠圖耳鄱陽之役亟命徐達歸守友諒既死不直檄武昌而還師再舉皆恐東吳之躡其後也戎簡一老書生何足以知聖笑哉

鏤金牀

江西行省以友諒所臥鏤金床進明祖觀之謂侍臣此與孟昶七寶溺器何異一牀工巧如此其餘可知窮奢極欲安得不亡命毀之

上樑文

偽漢建造宮殿命詞臣某作上樑文其詞曰伏以乾坤達漢宮

獻符璽圖書之瑞日月光天德立國家柱石之基於以濟世安
民於以建邦啟土地靈有待天眷無私欽惟皇帝陛下齊聖廣
淵聰明睿智富有四海作之君作之師天錫九疇得其位得其
祿視民猶己立賢無方北伐東征不遁聲色之美文韶武畧宵
衣旰食之勤秉九重龍鳳之姿擁百萬貔貅之衆惟皇作極應
天順民萬福攸同一人有慶習成周之故業如豐沛之新都展
三輔之黃圖覽九江之秀色瀑布瀉銀河于峭壁小孤屹砥柱
于中流左彭蠡右洞庭滔天塹前朱雀後元武燠京華工
部掄材梓人獻瑞箕布星羅之合度翬飛鳥革之奏功黃道紫
宸峙中天之華闕金釘朱戶啟南面之明堂虹舉雙樑雷陳一

柱上樑東扶桑擁出一輪紅光被海隅開壽域衮衣端拱帝王
宮上樑西使臣論蜀馬如飛五十四州霖雨露民安物阜悉依
歸上樑南嶺嶠猿歸奏表函方土珍奇皆入貢華生彤管照晴
嵐上樑北萬里幽燕苦霜雪江南佳麗樂昇平比屋熙：蒙帝
德上樑上天命維新增氣象中天帝德十分明歷：秦階光萬
丈上樑下邊境烽消收戰馬六軍務在盡耕桑率土豐登樂閒
暇伏願閭閻開宮殿巍：玉几之端嚴山河壯帝居翼：金城
之鞏固永保安寧之日洵符海宴之時衣冠講唐虞股肱皆社
稷冠山高幾千仞綱紀四方天子壽億萬年本支百世

友諒在南昌喜食玉葉羹其製以西山羅漢菜曲江金花魚為之

陳易作
梅花洞郭

明李遺聞載陳友諒亡後陳理被擒友諒尚有二子挈眷屬逃入楚中深洞自相婚配將一姓別為二姓弟仍陳兄將陳字易作郭名曰哥陳子孫繁衍或曰今梅花洞中種類即是

賣文

宋文憲公館吾虞一富家一日有丈夫從二童子來謁自稱賣文談論至兵機尤善宋公不能答請其詩曰吾一詩直二十金當翁許之詩成甚俊拔宋又以文請曰吾文非百金不可富翁

又許之援筆立成文不加點臨別請視宋公書室出前金贈曰
僕非愛此為先生地耳遂辭去使人送至海濱舟師數千軍容
甚盛問之則友諒也宋有才名欲禮聘為軍師以無武畧止之
一邑為之驚異。按此自柳南隨筆得來攷友諒當日以兵抵
龍灣而敗回自龍灣以東足跡所未及安有至吾虞事再友諒
一黃蓬漁子之裔未聞其通文墨又焉談詩文事此語恐涉附
會俟更攷

論曰

表忠傳

姜碩

姜碩樂安人元禮部員外郎奉詔招安陳友諒賊黨不從大罵之遂遇害

黃曾

曾為明無為州知州友諒陷無為逼之降曾抗罵不屈賊怒縛之沉于江

趙天麟

天麟為明臨江同知蔣必勝陷臨江執送友諒不屈死

劉齊 陳海 朱叔華

齊海皆明泰政叔華吉安知府蔣必勝復隔吉安海與曾萬中俱被殺逼齊與叔華降不屈執送友諒遂以趙天麟並徇洪都城下

趙德勝

德勝明洪都元帥友諒圍洪都攻士步官步二門德勝力禦之中流矢死

張子明

子明：洪都千戶友諒困洪都內外阻絕朱文正遣子明告急于建康還至湖口為賊所獲偽許降至城下大呼令固守友諒殺之

韓成

成仕明親軍指揮康郎山戰帝舟危急成與帝易服帝乘小船走成戰死

宋貴 李兆先

貴與兆先並明元帥康郎山戰張瑄追直犯帝舟二人與指揮韓成同戰死

黃冲

冲字季中南昌人授義兵千戶偽漢臨城火尼尼赤遁冲悉率健勇來援為叛將所殺

訖蘭氏

蘭氏

友諒部將稱鄧平章者陷江西某縣有婦蘭氏富翁某財雄一
鄉因賂鄧之帥某丐免剽掠帥聞其婦蘭氏有珠色輒殲其家
獨生蘭及四歲嬰將納之蘭曰帥貴人妾事之無恨然吾良人
以禮幣聘妾為婦者若干年生二子妾不妾應即背恩軍中禮不
備請持一月喪服乃為帥婦未晚帥許之服未終將移兵他縣帥
曰吾如汝約今夕諧吾婚乎蘭曰諾既而帥上馬他之使二卒
守蘭曰為取雞酒具香火今夕為帥婦敢告先良人靈卒俱出
乃即嚙指血書壁曰涇渭難分濁與清此身不幸厄紅巾孤兒
未忍更他姓烈婦何曾嫁二人白刃自揮心似鐵黃泉欲到骨

如銀荒村日落猿啼處過客聞之亦慘神書罷即自剄帥返驚
歎訊二年欲罪之卒指壁間題請人讀其詩馳白鄧：聞之陳
陳為立廟旌表云蘭氏一作賀氏永新州人

論曰

降辱傳

詹同

詹同字同文初名書婺源人幼穎異受易於甘楚材受春秋于
劉彭壽學由此大進學士虞集見之曰才子也以其弟槃子妻

之至正中舉茂才吳等除郴州學正遇亂家黃州仕友諒為翰林學士承旨兼御史明帝下武昌召為國子博士易名同時功臣子弟教習內府諸博士治一經不書通同淹貫有籍譜易春秋宸善應教為文才思泉湧帝善之遷考功郎中直起居注洪武四年與文原吉魏觀等巡行天下訪求賢才還進翰林直學士稍遷侍讀學士四年進吏部尚書六年為學士承旨兼吏部尚書明初國家一切征討平定之蹟禮樂治道之詳多所裁定與宋濂為總裁官七年賜勅致仕復起為承旨卒

傅友德

友德之先宿州人後徙山初從大盜李喜入蜀李敗從明

珍玉珍不能用走武昌從友諒為別將無所知名明祖西征
時友德與丁普郎為友諒守江州明師至小孤山友德偕普郎
來降帝用友德為將從援安豐略廬州還從擊友諒于鄱陽湖
輕舟折其前鋒被數箭創戰益力復與諸將邀擊于涇江口既
殲友諒從征武昌一鼓奪高冠山流矢中頰洞脅不為沮武昌
平授雄武衛指揮使自後戰功常出諸軍上洪武三年授開國
輔運推誠宣力武臣榮祿大夫柱國同知大都督府事封潁川
侯食祿千五百石子世券後以征虜前將軍平蜀還授上賞五
年副征西將軍馮勝征沙漠明年出雁門獲平章鄧季羅帖木
兒還鎮北平九年副中山侯和破伯顏帖木耳于延安十四年

副大將軍遶出塞討乃兒不花其年秋充征南將軍征雲南壘
地平封額國公食祿三千石十九年從燕王出古北口副大將
軍馮勝葉納哈出于金山二十一年討曲靖普安二十三年征
沙漠擒乃兒不花還馬開平復復征寧夏明年征哈者舍利大破
敵衆于黑嶺寒山再出練兵山陝統屯田事命燕太子太師二
十五年副宋國公勝練軍山西河南子忠尚壽春公主女為晉
世子妃既而賜死

丁普郎 附錄與難諸臣

普郎初為徐壽輝將及友諒弑主自立又與傅友德為友諒守
小孤明祖徇江州普郎來降帝授行樞密院同知數有軍功鄱陽湖

搏戰自辰至午普郎身被十餘創首脫猶執兵若戰狀直立身
中不仆敵驚為神贈濟陽郡公為康郎山忠臣廟三十五人之
首餘樞密院判張志雄自刎死左副元帥余昶右元帥陳弼徐
公輔皆以戰歿先一日左副指揮成元帥宋貴陳兆先三人以
救駕戰死王福元之有反諒越四日副元帥昌文貴左元帥李信王福元之有反諒姜潤王鳳顯石
王福元之有反諒明王德朱鼎王清常德勝素華陳冲王喜仙汪澤丁宇史德勝
裴珍王理王仁鎮撫常惟德鄭興逮德山羅信皆有像康郎山
南昌被圍死事者十四人領兵千戶張子明狗城下死樞密院
判李繼先戰死左翼元帥牛海龍刼營死左副元帥趙國旺
燒戰艦追兵至拔橋下死管軍百戶徐明誘降不從死軍士張

德山焚賊舟為賊死夏茂臣中飛礮死右翼元帥同知朱潛
右副指揮劉聲統軍元師許圭引兵取吉安戰死趙天麟守臨
江不屈死祝宗康秦叛洪都知府葉琛與行省都事萬思誠迎
戰皆死惟趙德勝守南昌友諒圍城急城壞德勝力戰且戰且
築坐幕城門樓指揮士卒弩中膏鏃入六寸即拔出之歎息
而卒程國勝先與牛海龍突圍劫營以泗水得脫鄱陽湖戰與
韓成陳兆先力救御舟死

蔡哲

蔡哲字思賢武昌人仕友諒為御史歲壬寅歸明：帝以為蔡
政嘗奉使入蜀挾畫史與俱圖其山川扼塞以獻帝嘉之後為

侍御史坐事免
論司